

## ESQUEMA RESUMO

### O TEATRO ACTUAL


A nova dramaturxia	XERACIÓNS E GRUPOS	AUTORES E OBRAS	
	<b>O grupo de Rivadavia, I Mostra (1973)</b> <ul style="list-style-type: none"> <li>Acabaron coa diglosia.</li> <li>Estimularon un teatro fácil de representar.</li> <li>Comeza a se desenvolver o teatro infantil.</li> <li>Contribuíron decisivamente, na normalización do teatro na 2ª metade do século XX.</li> </ul>	<b>Manuel Lourenzo</b> , ensaísta teatral	<i>Romaría ás covas do demo</i> (1975)
		<b>Euloxio Rodríguez Ruibal</b>	<i>Zardigot</i> (1974)
		<b>Roberto Vidal Bolaño</b>	<i>Laudamaco, Señor de Ningures</i> (1976)
	<b>A xeración dos oitenta.</b> <ul style="list-style-type: none"> <li>Moi heteroxénea: recorrencia ao metateatro, humor, ironía, anonimía dos personaxes, simbolismo...</li> <li>Xorde o teatro profesional e as primeiras compañías estables: Sarabela, CDG, Teatro do Atlántico, Chévere, Matarile, Teatro do Morcego..</li> </ul>	<b>Xesús Pisón</b>	<i>O rei aborrecido</i> (1984)
		<b>João Guisán Seixas</b>	<i>Um cenário chamado Frederico</i> (1985)
		<b>M. Anxo Fernán Vello</b>	<i>A casa dos afogados</i> (1990)
		<b>Xosé Cid Cabido</b>	<i>Copenhague</i> (1992)


	<b>A xeración dos noventa.</b> <ul style="list-style-type: none"> <li>Premios e concursos fomentan o panorama teatral: Premio Álvaro Cunqueiro e premios María Casares entre outros.</li> <li>As tendencias son heteroxéneas: teatro existencialista, do absurdo, teatro experimental e de ambientación urbana. Continúan, asemade, as tendencias anteriores.</li> <li>Amplíase o número de compañías: Teatro de Lúa, Teatro do Aquí, Áncora, Ollomoltranvía, Factoría Teatro, Balea Branca ou Teatro Bruto.</li> </ul>	<b>Candido Pazó.</b>	<i>Comedia, un xoguete para Goldoni</i> (1993). <i>O bululú do linier</i> (1999). <i>Ñiqui-Ñaque</i> (2002)
		<b>Lino Braxe.</b>	<i>A actriz</i> (1993)
		<b>Miguel Anxo Murado.</b>	<i>A gran noite de Fiz</i> (1994), adaptación do argumento dunha obra de Maquiavelo. <i>Historias peregrinas</i> (1995).
		<b>Suso de Toro.</b>	<i>Unha rosa e unha rosa</i> (1997)
	<b>O novo milenio.</b> <ul style="list-style-type: none"> <li>Consolídase o número de autores e actores, e mellora a calidade literaria.</li> <li>Aumenta a produción e a adaptación de textos non teatrais ou de clásicos.</li> <li>Procúrase a captación de público a través de varias vías:</li> <li>- Aumentan os lugares para ver espectáculos: amplíanse os circuítos teatrais, funcionan as salas alternativas como A Nasa ou Teatro Galán; e aumentan os espectáculos de animación na rúa e o papel dos narradores orais</li> </ul>	<b>Teatro do Atlántico:</b> <i>Ecos e voces dun tempo</i> (2002) <b>Áncora:</b> <i>Footing</i> (2001). <b>Quico Cadaval:</b> Adaptación en 1999 de <i>Se o vello Sinbad, volvease ás illas</i> . <b>Matarile:</b> <i>O brazo partido</i> (2001). <i>Historia natural</i> (2006). <b>Sarabela:</b> <i>Sexismunda</i> (2001), <i>O heroe</i> (2005). <b>Librescena:</b> <i>O morte e a doncela</i> (2001). <b>Chévere:</b> <i>Río Bravo</i> (1990), <i>Clownfútbol</i> (2001). <b>Os espectáculos de monicreques de Kukas con Xan Trapallas</b> (2002). <b>Teatro do Atlántico:</b> <i>O encoro</i> (2005). <b>CDG:</b> <i>Illa Reunión, Medos, Eurípides</i> (2006), <i>Glass City</i> (2009)	

	<p>(contacontos). Internet estase a converter noutra alternativa de difusión para o teatro na actualidade.</p> <ul style="list-style-type: none"> <li>- A provocación do riso no espectador grazas a un teatro cada vez máis experimental centrado na parodia e ironía dentro da comedia, na mestura de modalidades teatrais nunha mesma obra ( o costumismo co absurdo) e en técnicas como o clown e a improvisación coas cales perde importancia.</li> <li>- A creación de obras destinadas a un público xuvenil e infantil.</li> </ul>	<p>Factoría Teatro: <i>Tío Vania</i> (2006). RTA: <i>Hamlet</i> (2006).</p>
--	---	---


### Liñas temáticas do teatro actual


Durante a etapa do teatro independente a produción teatral marcada polo compromiso político e social en medio da situación de ditadura e transición que lles tocaba vivir. A partir de 1980 xurdiron novas tendencias:

 **A crítica social.** Condénanse aspectos da sociedade, case sempre tinguidos cunha crítica de humor. Son exemplos deste compromiso **Xesús Pisón, Manuel Riveiro Loureiro, Xosé Cid Cabido, Alberto Avendaño...**


 **O culturalismo.** Ao contrario do que pasa na lírica, non se trata dunha tendencia rupturista, pois a maior parte dos seus temas e dos seus recursos estaban xa presentes no grupo Abrente. É un teatro que se caracteriza pola reflexión sobre si mesmo e polas relacións que establece entre a arte e a vida.

Os dramaturgos incluídos nesta liña constitúen o grupo da «mirada culta»: **Miguel Anxo Fernán-Vello, Luísa Villalta, Inma Antonio Souto, Henrique Rabunhal, Lino Braxe ou Francisco Souto.**

 **O neorruralismo.** Esta corrente enlaza coa tradición de preguerra a través da modernización e actualización destes temas, que levan a cabo autores como **Xosé Agrelo, Francisco Taxes e, sobre todo, Raúl Dans.**

 **A intertextualidade.** Trátase da volta aos clásicos da dramaturxia universal cultivada seguindo dúas tendencias:

- A do **grupo Abrente**, que trata de afondar en cuestións que afectan ao ser humano.
- A de autores posteriores, que pretenden entreter e divertir ao público, como é caso de **Cándido Pazó, Miguelanxo Murado, Manuel Guede ou Eduardo Alonso**. Isto supuxo un incremento no cultivo da comedia en todas as súas vertentes. Nesta vía destacan ademais **Roberto Salgueiro, Suso de Toro e Manuel Nuñez Singala**.

 **O teatro histórico.** Xa traballado por Agustín Magán nas Mostras de Ribadavia, continúa en vixencia da man de **Millán Picouto, M<sup>a</sup> Xosé Queizán, Cándido Pazó ou Xosé Lois García Fernández**.